

len: Er vermag aber wegen der
weiten Reisz/oder wegen schwachheit
des Leibes in eigener Person nicht zu
ihnen kommen/ der kan durch schrei-
ben solches verrichten / so wol als we-
re er selber vnd in eigener Person bey
ihnen.

Do im gegentheil ein ander / der
nicht schreiben gelernet/ entweder sei-
ne heimliche sache andern offenbah-
ren / vnd oftmalß darüber in grosse
gefahr kommen: oder dieselbe in sei-
nen Herzen behalten/sich damit quäl-
en / vnd also ohne rhat vnd hülffe
seyn vnd bleiben muß.

4. Endlich/ weil manchem merck-
licher schad vnd abgang in der Nah-
rung dardurch kan mit Register
vnd Buchhalterey verhütet vnd
vorgehawet werden. Wie deswe-

A iij

gen